



"Ukrasi vjernika dosezat će donde dokle dosežu tragovi abdesta."

Ebu Hurejra, radijallahu anhu, rekao je: "Rekao je Allahov Poslanik, sallallahu alejhi ve sellem: 'Zaista će moj umet na Sudnjem danu biti prozvan bijelih i svjetlih lica od tragova abdesta', pa ko od vas može da uveća svoje svjetlo neka to i učini." U predaji koju bilježi imam Muslim kaže se: "Vidio sam Ebu Hurejru kako se abdesti: oprao je lice, a potom ruke te je pranjem dosegnuo gotovo do ramena, zatim je oprao noge gotovo do potkoljenica, a onda je rekao: 'Čuo sam Allahovog Poslanika, sallallahu alejhi ve sellem, da kaže: 'Zaista će moj umet na Sudnjem danu biti prozvan bijelih i svjetlih lica od tragova abdesta', pa ko od vas može da uveća svoje svjetlo neka to i učini.'" Takođe imam Muslim prenosi predaju u kojoj (Ebu Hurejra) kaže: "Čuo sam svog prisnog prijatelja, Poslanika, sallallahu alejhi ve sellem, gdje kaže: 'Ukrasi vjernika dosezat će donde dokle dosežu tragovi abdesta.'"

[Vjerodostojan] [Hadis bilježi imam Muslim putem svoja dva lanca prenosilaca - Muttefekun alejh]

Vjerovjesnik, sallallahu alejhi ve sellem, nam ukazuje na to da će Allah Uzvišeni na Sudnjem danu njegov umet odlikovati nad svim umetima znakom plemenitosti i važnosti, tako što će biti pozvani na pročelje ispred svih naroda, a njihova lica, ruke i noge će svijetliti. To će biti jedan od tragova abdesta, ibadeta koji su vjernici stalno i iznova obavljali - prali su svoje dijelove tijela tražeći Allahovo zadovoljstvo i nagradu. Eto, zato će biti nagrađeni ovom posebnom nagradom. Zatim je Ebu Hurejra rekao: "Pa ko može da uveća i produži ovo svjetlo, neka to i učini", jer kada prilikom uzimanja abdesta, opere što veći dio određenog uda, njegovo će svjetlo biti veće. Međutim, obavezno je oprati ruke samo do laktova, s tim da u to ulazi i pranje laktova, tako da obuhvati i dio nadlaktice. A pod pranjem nogu podrazumijeva se i pranje članaka, tako da ono obuhvati i dio potkoljenice. Dakle, pranje cijele nadlaktice i pranje cijele potkoljenice nisu propisani.

<https://sunnah.global/hadeeth/bs/show/3368>